




www.BibleForChildren.org


1. Mosi 1




Am ohfang hott Gott da
himmel un di eaht
kshaffa.



Nau di eaht voah gans veesht'un
leah. Es voah dunkel ivvah's deef
vassah, un Gott sei Geisht
voah ivvah's vassah.




Un Gott hott ksawt, "Loss di helling gmacht sei," un's voah hell. Gott hott di helling "dawk" kaysa, un hott's dunkla "nacht" kaysa. Un's voah ohvets un meiyets, da eahsht dawk.



No hott Gott ksawt, "Loss en himmel shpann auskshtrekt sei ovva-heah zvisich di vassahra, un loss es di vassahra in zway fadayla." Gott hott di shpann "himmel" kaysa. Un's voah ohvets un meiyets, da zvett dawk.



Un Gott hott ksawt, "Loss es vassah unnich em himmel zammah ksammeld sei an ay blatz, un loss es drukka land sich veisa." Un's voah so. Gott hott's drukka land "eaht" kaysa, un hott's zammah ksammeld vassah "say" kaysa. Un Gott hott ksenna es es goot voah.



Un Gott hott ksawt, "Loss di eaht graws vaxa, un anri
blansa es sohma henn, un aw obsht-baym es frucht
henn mitt sohma drinn, alli sadda uf di
eaht noch iahra aykni satt."

Un's voah so. Un's voah
ohvets un meiyets,
da dritt dawk.




Gott hott zway grohsi lichtah gmacht, es grayshita
fa ivvah da dawk sei, un's glenshta fa
ivvah di nacht sei. Eah hott aw
di shtanna gmacht. Dess voah
nau ohvets un meiyets,
da fiaht dawk.




No hott Gott ksawt, "Loss
feel levendichi diahra im
vassah sei, un loss di fekkel
ovvich di eaht in di shpann
fumm himmel fleeya."
Dess voah nau ohvets un
meiyets, da fimft dawk.




No hott Gott ksawt, "Di eaht soll levendichi diahra raus bringa, yaydahs noch iahra aykni satt: fee, un sacha es uf em bodda gradla, un vildi diahra funn di eaht, awl noch iahra aykni satt." Un's voah so.



Un Gott hott ksawt, "Losset uns mensha macha in unsah gleichnis, un loss si sei vi miah. Losset si meishtah sei ivvah di fish fumm say, ivvah di fekkel funn di luft, ivvah's fee, ivvah di gans eaht, un ivvah awl di sacha es uf di eaht gradla." Un Gott hott alles ksenna es eah gmacht hott, un's voah oahrich goot. Un's voah ohvets un meiyets, da sext dawk.



No hott Gott da Hah da mann gnumma un hott een in
da Goahra-Ayden gedu fa en uf halda un acht gevva
uf en.



Un Gott da Hah hott em
mann en gebott gevva
un hott ksawt, "Du
kansht essa funn awl di
baym im goahra; avvah
fumm boh m funn di
eisicht funn goot un evil
solsht du nett essa. Fa im
daw k vann du esht di funn
zaylsht du gevislich
shteahva."



Da mann hott nayma gevva zu awl em fee, un zu di fekkel funn di luft, un zu awl di diahra fumm feld, avvah's voah kenn shiklichah mitt-helfah kfunna fa bei eem sei.



No hott Gott da Hah gmacht es en deefah shlohf uf da mann kumma is, un diveil es eah am shlohfa voah hott eah ayns fumm mann sei ribba raus gnumma un hott's flaysh viddah zu gmacht. Un Gott da Hah hott en veibsmensh gmacht aus di ribb es eah aus em mann gnumma katt hott, un hott see zumm mann gebrocht.



Fasell falost mann sei daett un maemm un
henkt oh zu sei fraw, un see vadda ay flaysh.



Fa Gott hott di veld so leeb katt es
eah sei aynsishtah geboahranah
Sohn gevva hott, so es awl dee vo
an een glawva, nett faloahra
gay sella, avvah sella
ayvich layva havva.



Römer 3:23

Fa alli-ebbah hott ksindicht, un langd
nett di hallichkeit funn Gott.

Römer 6:23

Fa da lohn funn di sind is da doht, avvah's frei kshenk
funn Gott is ayvich layva in unsahm Hah Jesus Christus.

Hebräer 9:27

So vi da mensh aymol shtauva muss,
un noch sellem kumd's gericht,

Epheser 2:8,9

Fa bei gnawt voahret diah saylich gmacht deich da
glawva; un dess is nett funn eich selvaht, es is es kshenk
funn Gott, nett es en fadeensht funn verka,
so es nimmand braekka kann diveyya.



Römer 10:9,10

Fa vann du bekensht mitt deim maul es Jesus da Hah is, un glawbsht in deim hatz es Gott een uf gvekt hott funn di dohda, dann vasht du saylich. Mitt em hatz du ett en mann glawva un vatt gerecht, un mitt em maul du ett en mann bekenna un vatt saylich.

Johannes 3:16,17

Fa Gott hott di veld so leeb katt es eah sei aynsishtah geboahranah Sohn gevva hott, so es awl dee vo an een glawva, nett faloahra gay sella, avvah sella ayvich layva havva. Fa Gott hott sei Sohn nett in di veld kshikt fa di veld fadamma, avvah es di veld deich een saylich vadda kann.



1 Johannes 5:11-13

Un dess is es zeiknis, es Gott uns ayvich layva gevva hott, un dess layva is in sei Sohn. Deah vo da Sohn hott, hott layva; deah vo da Sohn funn Gott nett hott, nett layva. Dee sacha havvich kshrivva zu eich vo glawva an da nohma funn Gott sei Sohn, so es diah vissa kennet es diah ayvich layva hend, un es diah glawva kennet an da nohma funn Gott sei Sohn.



1. Mosi 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Pennsylvania Dutch Bible (pdc) © 2016, Wycliffe
Bible Translators, Inc. All rights reserved.

<https://live.bible.is/bible/PDCWYI/GEN/1>

©2025 Bible for Children, Inc.

www.M1914.org

www.bibleforchildren.org

